



Broj: 14-34-3-634-11/2024
Sarajevo, 15.04.2024. godine

Na osnovu člana 15. stav 3. Zakona o Visokom sudskom i tužilačkom vijeću Bosne i Hercegovine («Službeni glasnik BiH» br. 25/04, 93/05, 48/07, 15/08 i 63/23), te člana 7. stav 3. i člana 8. stav 2. Pravilnika za izradu projektnih prijedloga i izvršenje projekata koje finansiraju donatori Visokog sudskog i tužilačkog vijeća Bosne i Hercegovine, broj: 08-02-3638/2013 od 24.09.2013. godine, a u skladu sa čl. 8. stav 1. i čl. 16. stav 3. Zakona o radu u institucijama Bosne i Hercegovine („Službeni glasnik BiH» br. 26/04, 7/05, 48/05, 60/10, 32/13, 93/17 i 59/22) i čl. 30. i 31. Pravilnika o radu državnih službenika i zaposlenika u Visokom sudskom i tužilačkom vijeću BiH broj: 08-02-1586-1/2014 od 23.04.2014. godine, Visoko sudsko i tužilačko vijeće Bosne i Hercegovine raspisuje:

PONOVLJENI JAVNI OGLAS

za popunjavanje pozicija projektnog osoblja u
Sekretarijatu Visokog sudskog i tužilačkog vijeća Bosne i Hercegovine
Projekat „EU podrška reformama pravosudnog sistema u BiH“ (IPA 2022)

EKONOMSKI SAVJETNIK

Broj oglašene pozicije: **006/24**
Broj izvršilaca: **2 (dva)**
Status: **ugovor o radu na određeno vrijeme**
Probni rad: **3 mjeseca**
Mjesto rada: **Sarajevo (Tužilaštvo Bosne i Hercegovine)**
Rok za prijave: **23.04.2024. godine**

Opis poslova:

- izrada analiza poslovno-finansijske dokumentacije u tužilačkim predmetima (privredni kriminal, organizovani kriminal i korupcija);
- izrada prijedloga liste potrebnih dokaza finansijske prirode u tužilačkim predmetima;
- pružanje stručne podrške tužiocu prije i tokom postupka pred sudom;
- aktivno učešće i pružanje stručne podrške na sastancima, po instrukciji direktno nadređenog / glavnog tužioca / koordinatora projektne aktivnosti;
- priprema i prezentira teme iz ekonomsko-finansijske oblasti na edukacijama za tužioce, istražitelje i predstavnike agencija za provođenje zakona;
- izrada internih izvještaja po instrukciji koordinatora projektne aktivnosti radi praćenja postavljenih projektnih ciljeva;
- predlaganje unapređenja projektne aktivnosti podrške tužilaštvima;
- obavlja druge poslove po nalogu direktno nadređenog / glavnog tužioca / koordinatora projektne aktivnosti.

Pored opštih uslova propisanih članom 10, kao i uslova propisanih članom 56. Zakona o radu u institucijama BiH (stručni ispit), kandidati trebaju ispunjavati i sljedeće posebne uslove:

- VSS, ekonomski fakultet (VII stepen stručne spreme ili visoko obrazovanje Bolonjskog sistema studiranja s najmanje 180 ECTS bodova);
- najmanje tri (3) godine radnog iskustva na istim ili sličnim poslovima;
- dobro poznavanje Međunarodnih računovodstvenih standarda, zakonskih propisa iz oblasti računovodstva i revizije, vođenja knjigovodstvenih i poslovnih knjiga u privrednom i/ili finansijskom poslovanju;
- poželjno posjedovanje licence certificiranog računovođe, ovlaštenog revizora, zvanje stalnog sudskog vještaka ekonomske struke;
- poželjno prethodno iskustvo u agencijama za provođenje zakona iz oblasti poreza, pranja novca i finansijskih istraga (Poreska uprava, UIO, SIPA, i dr.)

- osnovno poznavanje pravosudnog sistema u BiH;
- napredne analitičke sposobnosti;
- napredno poznavanje rada na računaru;
- sposobnost planiranja, organizacije i implementacije zadataka u utvrđenim vremenskim rokovima;
- posjedovanje kompetencija: komunikacija i inicijativa, promjene, rješavanje problema;
- spremnost za rad na terenu;
- diskrecija u radu s povjerljivim podacima;
- posjedovanje sposobnosti zrelog prosuđivanja i fleksibilnosti;
- proaktivnost i kreativnost u radu, timski rad.
- posjedovanje vozačke dozvole B kategorije – poželjno

Uz prijavu za javni oglas kandidati su obavezni dostaviti:

- Uvjerenje o državljanstvu, ne starije od 6 mjeseci od dana izdavanja od strane nadležnog organa (original ili ovjerena kopija);
- Original ili ovjerena kopija diplome ili uvjerenja o diplomiranju (uvjerenje ne može biti starije od jedne godine odnosno roka potrebnog za izdavanje diplome), a u slučaju da fakultet nije završen u Bosni i Hercegovini, strana diploma mora biti nostrifikovana (dokaz o nostrifikaciji). Kandidati koji su visoko obrazovanje stekli po bolonjskom sistemu studiranja, uz diplomu dostavljaju i dodatak diplomi. Ovaj uslov se dokazuje dodiplomskom (osnovnom) diplomom;
- Uvjerenje/potvrda o zahtijevanom radnom iskustvu (pod radnim iskustvom podrazumijeva se radno iskustvo stečeno nakon sticanja stručne spreme zahtijevane javnim oglasom).

Molimo da prije slanja prijave obratite pažnju na sekciju [„Stop greškama u prijavama“](#) koja se nalazi na internet stranici VSTV BiH.

U slučaju da prijavu šaljete putem e-maila, navedene dokumente kandidati su obavezni dostaviti kao prilog u skeniranom obliku (Obavezni format je .PDF).

Prije zasnivanja radnog odnosa, izabrani kandidat je dužan dostaviti sve originalne dokumente zahtijevane javnim oglasom, ljekarsko uvjerenje da je sposoban da obavlja poslove radnog mjesta na koje je izabran i uvjerenje o nevođenju krivičnog postupka (uvjerenje nadležnog suda ne starije od tri mjeseca).

Osobe sa gore navedenim kvalifikacijama **obavezne su ispuniti [prijavni obrazac VSTV-a za uposlenike](#)**, koji se nalazi pored teksta oglasa na Internet stranici Visokog sudskog i tužilačkog vijeća BiH <http://vstv.pravosudje.ba> i uz dokumentaciju zahtijevanu javnim oglasom dostaviti ga na slijedeću e-mail adresu: VSTVpersonal@pravosudje.ba (ukoliko prijavu šalju elektronskim putem)

ili putem pošte na adresu:

Visoko sudsko i tužilačko vijeće Bosne i Hercegovine
 Ul. Kraljice Jelene 88, 71000 Sarajevo
 Fax: +387 (0) 33 707 550

Sa naznakom: „Prijava na javni oglas broj 06/24“

Ispunjavanje uslova utvrđenih ovim oglasom računa se danom predaje prijave. Nepotpune, neblagovremene i neuredne prijave, prijave kandidata koji ne ispunjavaju uslove ovog oglasa, kao i kopije tražene dokumentacije koje nisu ovjerene, neće se uzimati u razmatranje.

Molimo zainteresovane da telefonskim putem ne kontaktiraju Sekretarijat VSTV-a.

**Broj oglašene pozicije 006/24 mora biti naveden.
 Rok za prijave: 23.04.2024. godine**